

[Augsburg], 19. Februar 1559

An Johannes Oporinus

UB Basel, Fr. Gr. I 11, fol. 223r.

Steinmann Nr. 715.

Lit.: Husner S. 153.

S. Literae tuae 15 Ianuarij datae: 18 huius mensis ab Heroldo redditae mihi sunt. Causam tuam apud D. Antonium egi vt licuit. Reuersum e nondinis, apud D. Carinum te et libros nostros, Gregoram, Laonicum, Cuspinianum inuenturum arbitror, et subsidij aliquid. Spero inquam haec, non polliceor ea, quae in mea potestate non sunt. Reiffensteini literas ad te mitto. Literas ad me missas curauit. Tschartij praefationem si non ante hoc tempus accepisti, quam iam pridem per quendam studiosum tibi redditam esse credidit, vt nunc mature ad te perferatur, vereor. Riuim recognoscere in animo habeo, sed id ante Cal[endas] Septembbris vix fiet, et Vlhardum nostratem typographum damno afficere non est aequitatis tuae, qui exempla iam excusa intra biennium distrahere non poterit. De Zonara recognoscendo, et tota Byzantina historia Latinè tantum edenda, tum agemus, si vita supererit, vbi Gregoram et Laonicum graecè latineque vna cum Zonara et Choniate distraxeris. Quare tanto pauciora exempla nunc imprimenda censeo. Sed haec tute melius. Vale. D. Carinum propediem apud nos fore arbitror, quem officiose meo nomine salutes velim. 19 Februarij 1559.

Hiero[nymus] Wolfius
Tuus.